



Na temelju člana 162. Zakona o zdravstvenoj zaštiti FBiH, i člana 55. Statuta Ljekarske-Liječničke komore KS, Upravni odbor Ljekarske-Liječničke komore, donosi:

Pravilnik o postupku i načinu davanja mišljenja o opravdanosti osnivanja privatne prakse, proširenja djelatnosti i obavljanju dopunskog rada

Opće odredbe

Član 1.

Ovim Pravilnikom uređuje se postupak i način davanja mišljenja o opravdanosti osnivanja privatne prakse (u daljnjem tekstu: davalac zdravstvenih usluga) Ovim Pravilnikom uređuje se postupak i način davanja mišljenja o proširenju ili promjeni djelatnosti, odnosno promjeni sjedista davalaca zdravstvenih usluga kao i dopunskom radu davalaca zdravstvenih usluga.

Nadležna tijela

Član 2.

Odbor za stručna i staleška pitanja odlučuje o zahtjevima za davanje mišljenja iz člana 1. ovog Pravilnika (u daljnjem: zahtjev).

član 3.

Odbor za stručna i staleška pitanja odlučuje o zahtjevu stranke koji se odnosi na davanje zdravstvenih usluga.

Postupak

Član 4.

Davalac zdravstvenih usluga zahtjev podnosi u pisanom obliku. Zahtjev mora sadržavati sljedeće elemente:

- Ime i prezime osnivača;
- broj odobrenja za samostalan rad (licenca);
- uredno reguliran članski status;
- adresu osnivača;
- naziv davalaca zdravstvenih usluga;
- mjesto i adresu davalaca zdravstvenih usluga;
- djelatnosti davalaca zdravstvenih usluga;
- opis dijagnostičkih i terapijskih zahvata koje će obavljati davalac zdravstvenih usluga te
- prijedlog akta o osnivanju davalaca zdravstvenih usluga.

Član 5.

U postupku donošenja mišljenja iz članka 1. ovog Pravilnika, Odbor za stručna i staleška pitanja može, ako ocijeni potrebnim, zatražiti od osnivača da dostavi dodatnu dokumentaciju vezanu uz postupak osnivanja davalaca zdravstvenih usluga, proširenju ili promjeni djelatnosti pored dokumentacije navedene u prethodnom članu ovog Pravilnika.

Član 6.

Odbor za stručna i staleška pitanja iz ovoga Pravilnika dužan je donijeti mišljenje najkasnije u roku od 60 dana od primitka urednog zahtjeva u smislu odredbe člana 4 i 5. ovog Pravilnika.

Dopunski rad

Član 7.

(1) U postupku donošenja mišljenja o opravdanosti obavljanja dopunskog rada zdravstvenih radnika koji ispunjavaju uslove propisane Zakonom o zdravstvenoj zaštiti („Sluzbene novine Federacije BiH“ broj 46/10) Odbor za stručna i staleška pitanja se rukovodi sljedećim kriterijima shodno Pravilniku o načinu, postupku i uvjetima kao i drugim pitanjima od značaja za obavljanje dopunskog rada („Sluzbene novine Federacije Bosne i Hercegovine br. 60/12“):

- poslove u svojoj strnci dopunskim radom obavljaju zdravstveni radnici sa završenim medicinskim, stomatološkim, farmaceutskim, farmaceutsko-biohemijskim fakultetom, koji su specijalisti i imaju najmanje deset godina radnog staža u zvanju specijaliste.

- izuzetno od prethodnog stava ovog člana, poslove u svojoj strnci dopunskim radom mogu obavljati zdravstveni radnici sa medicinskim, stomatološkim, farmaceutskim, farmaceutsko-biohemijskim fakultetom, specijalisti s magisterijem ili doktoratom iz medicinskih stomatoloških ili farmaceutskih nauka i bez posjedovanja deset godina radnog staža u zvanju specijaliste.

- Mišljenje komisije poslodavca (shodno zakonu o Zdravstvenoj zaštiti član.183)

- Izjava kojom se ljekar obavezuje da će potpisati ugovor za dopunski rad samo sa jednim poslodavcem (shodno zakonu o Zdravstvenoj zaštiti član 184.)

- dokaz o plaćenju članarini

(2) Nakon što je Komora izdala mišljenje o obavljanju dopunskog rada u Kantonu Sarajevo, isto će imati rok važenja prema sljedećem:

- sve do onog trenutka kada ljekar odluči da dopunski rad obavlja kod drugog poslodavca.

- sve do onog trenutka kada poslodavac kod kojeg ljekar obavlja dopunski rad promijeni adresu sjedišta.

- sve do onog trenutka kada ljekar prestane biti uposlenik ustanove koja mu je izdala preliminarnu saglasnost o obavljanju dopunskog rada.

- sve do onog trenutka kada je ljekar po nekom osnovu (disciplinski ili neki drugi) izgubio pravo na posjedovanje licence – odobrenja za samostalan rad.

Obavezuje se zdravstvena ustanova koja je izdala preliminarnu saglasnost ljekaru svom uposleniku za obavljanje dopunskog rada, da po isteku tripartitnog ugovora, obavijesti Komoru o sljedećem:

da li će ljekar produžiti trajanje ugovora sa istim poslodavcem kod kojeg obavlja dopunski rad

da li će ljekar prekinuti tripartitni ugovor

U slučaju da ljekar nakon isteka tripartitnog ugovora planira dopunski rad obavljati kod drugog poslodavca, potrebno je da se obrati Komori sa zahtjevom za izdavanje novog mišljenja.

Naglašavamo kako obavljanje dopunskog rada suprotno odredbama Pravilnika i Zakona podliježe disciplinskim i stručnim sankcijama, shodno navedenom, ljekar može biti sankcionisan od strane poslodavca i od strane Komore.

Troškovi postupka

Član 8.

Podnositelj zahtjeva iz člana 1. ovog Pravilnika dužan je za troškove postupka platiti propisani iznos.

Visinu iznosa iz stava 1. ovoga člana posebnom odlukom utvrđuje Upravni odbor Ljekarske-Liječničke komore KS.

Završne odredbe

Član 9.

Izmjene i dopune ovog Pravilnika donose se po postupku za donošenje Pravilnika. Ovaj Pravilnik stupa na snagu danom donošenja.

Potpredsjednik Upravnog odbora Ljekarske – Liječničke komore KS

Prof. dr. Merita Tirić Čampara



Merita Tirić Čampara